

RESOLUCIÓN REITORAL DO 2 DE DECEMBRO DE 2019 POLA QUE SE CONVOCA UN PROCESO DE SELECCIÓN, EN RÉXIME DE CONCORRENCIA COMPETITIVA, DE TITULACIONES UNIVERSITARIAS OFICIAIS DE MASTER IMPARTIDAS POLA UNIVERSIDADE DE VIGO NO CURSO ACADÉMICO 2019/20, PARA OPTAR Á CONCESIÓN DA MENCION DE EXCELENCIA POLA XUNTA DE GALICIA.

No mes de novembro de 2017 a Xunta de Galicia fixo público a aprobación do Plan de Excelencia do Sistema Universitario de Galicia para o trienio 2018-2020, no que se recollen un conxunto de accións que teñen como obxectivo que as universidades galegas poidan dar un novo salto de calidade e seguir avanzando nun camiño de vangarda e procura da excelencia. Este plan recolle dez medidas englobadas en dous grupos, o primeiro composto por tres accións vinculadas á mellora dos indicadores, e o segundo por sete accións que se desenvolverán mediante convenios e convocatorias da propia Xunta de Galicia.

Entre esas medidas inclúese a distinción dos másters universitarios de excelencia que, segundo a convocatoria publicada pola Xunta de Galicia para o curso 2019/20 (Orde de 12 de novembro de 2019 da Consellería de Educación, Universidade e Formación Profesional, DOG de 25 de novembro de 2019) trata de recoñecer os elevados niveis docentes e científicos de determinadas titulacións de máster ofertadas no SUG.

Segundo dita convocatoria, o outorgamento da mención de máster universitario excelente permitirá a estas titulacións contar cunha diferenciación e identificación coa calidade e o prestixio, potenciar a actividade docente e investigadora e incrementar o seu atractivo e capacidade de retención de talento.

A convocatoria publicada pola Xunta de Galicia establece que cada unha das Universidades do SUG poderá presentar, como máximo, cinco titulacións de máster universitario oficial que cumpran as condicións establecidas, antes do vindeiro 26 de decembro de 2019.

De acordo co anterior, a Universidade de Vigo deberá seleccionar, de entre aquelas titulacións que o soliciten, as cinco que previsiblemente poidan acadar unha puntuación máis alta, e se atopen, polo tanto, en mellores condicións para participar na devandita convocatoria.

Para elo, esta Reitoría considera que a iniciativa de presentación de titulacións de máster candidatas deberá partir dos propios centros, xa que son eles os responsables de ditas titulacións, e os que mellor coñecen o potencial das mesmas para competir con éxito para acadar a mención de máster universitario excelente da Xunta de Galicia.

En base a todo o antedito,

ESTA REITORÍA RESOLVE:

Convocar un proceso de selección, en réxime de concorrencia competitiva, entre as titulacións de máster que se imparten na Universidade de Vigo, para optar a obter a mención de **Master Universitario Excelente da Xunta de Galicia**, regulado polas seguintes

BASES

1. Finalidade e beneficiarios

As actuacións reguladas nesta resolución teñen como finalidade seleccionar as cinco titulacións de máster universitario da Universidade de Vigo que se presentarán á convocatoria da Xunta de Galicia para a concesión de mención de excelencia a titulacións universitarias oficiais de máster, impartidas polas universidades do SUG no curso académico 2019/20.

Poderán participar na presente convocatoria os centros da Universidade de Vigo de calquera dos seus tres campus.

2. Requisitos de participación

Os requisitos para poder presentarse a convocatoria son os recollidos no artigo 3 das bases da convocatoria da Xunta de Galicia:

1. Ser títulos de máster universitario de carácter oficial e validez en todo o territorio nacional, que contén coa autorización de impartición da comunidade autónoma.
2. Que veñan sendo impartidos por algunha das universidades do SUG de xeito ininterrompido, como mínimo, desde o curso 2016/17 e que continúe impartíndose na actualidade.

3. Forma e prazo de presentación das solicitudes

1. Os centros interesados cubrirán e presentarán unha solicitude dirixida ao Vicerreitor de Ordenación Académica e Profesorado, segundo os Anexos I e II da presente convocatoria, á que acompañarán a documentación correspondente.
2. O prazo de presentación das propostas termina o día 17 de decembro de 2019, as 14:00 horas.
3. Poderase presentar un máximo de dúas titulacións por centro.

Toda a documentación remitirase por correo electrónico ao enderezo vicprof@uvigo.es.

4. Tramitación do procedemento

1. O órgano competente para a tramitación do procedemento será a Vicerreitoría de Ordenación Académica e Profesorado, que realizará de oficio cantas actuacións estime necesarias para determinar, coñecer ou comprobar calquera información necesaria para formular a proposta de resolución.
2. Unha vez transcorrido o prazo de presentación de solicitudes, o órgano competente requiriralles aos centros interesados, cuxas solicitudes carezan dalgún requisito dos establecidos nas presentes bases, para que as emenden no prazo máximo e improrrogable de dous días hábiles contados desde o día seguinte ao da súa publicación.

3. Logo de finalizar o prazo de corrección, o órgano competente ditará a resolución coa relación definitiva de solicitudes admitidas e non admitidas conforme o establecido no apartado anterior. Tamén se lles indicará, no seu caso, as causas que motivasen a non admisión. A citada resolución publicarase e notificaráselles a todos os centros participantes.

5. Avaliación e selección das titulacións candidatas

1. A comisión encargada da avaliación das propostas estará composta por:
 - a. O Vicerreitor de Ordenación Académica e Profesorado.
 - b. O Director da Área de Posgrao.
 - c. O Director da Área de Calidade.
2. Dita comisión realizará a valoración das propostas e, remitiralle ao órgano competente unha relación ordenada das titulacións elixidas para ser presentadas como candidatas á Mención de Máster Excelente da Xunta de Galicia.
3. Os criterios de valoración e as puntuacións para cada ítem dos mesmos, son os que se detallan no artigo 9 de orde da Consellería de Educación, Universidade e Formación Profesional de 12 de novembro de 2019.

6. Resolución

1. Á vista da proposta da comisión, a Vicerreitoría de Ordenación Académica e Profesorado, elevará unha proposta de resolución provisional, debidamente motivada, xunto cunha relación priorizada das propostas, sendo as primeiras propostas as candidatas para serán remitida á Xunta de Galicia, e pasando ó resto a constituír a relación de suplentes, de ser o caso.
2. No caso de que algunha das titulacións propostas sexa interuniversitaria, só poderá formar parte da solicitude que a Universidade de Vigo presente á convocatoria da Xunta de Galicia en caso de que tamén sexa seleccionada para participar en dita convocatoria por parte das demais universidades do SUG que participen na titulación.
3. No caso de non haber propostas da comisión, o órgano competente declarará deserto o proceso de selección.
4. A resolución provisional comunicarase ós centros participantes e farase pública, establecéndose un prazo de dous días hábiles contados desde o día seguinte ao da publicación para que as persoas interesadas presenten as alegacións que consideren oportunas. Se non se reciben alegacións ou unha renuncia expresa no prazo establecido, a proposta entenderanse aceptada.
5. Unha vez examinadas as alegacións presentadas, enviarase a proposta da resolución definitiva que conterá as titulacións seleccionadas e a relación de suplentes, de ser o caso, ou ben a declaración de deserto do proceso de selección.
6. O prazo máximo para a resolución do presente procedemento será de un mes desde a finalización do prazo de presentación das solicitudes. Se transcorrido o

devandito prazo non se publicou a resolución, os centros interesados poderán entender desestimadas as súas solicitudes.

7. Norma derradeira

Contra esta resolución, que esgota a vía administrativa, poderase interpoñer recurso perante a xurisdición contencioso administrativa, no prazo de dous meses contados dende o día seguinte á súa publicación, de conformidade co disposto na Lei 29/1998, do 13 de xullo, reguladora da xurisdición contencioso administrativa.

As persoas interesadas poderán optar por interpoñer contra esta resolución recurso de reposición, no prazo dun mes contados a partir do día seguinte á publicación da presente resolución, perante o mesmo órgano que a ditou. Neste caso non se poderá interpoñer un recurso contencioso administrativo ata que sexa resolto expresamente ou se producira a desestimación presunta do recurso de reposición interposto, segundo o previsto no artigo 123.2 da lei 39/2015, de 1 de outubro, do Procedemento Administrativo Común das Administracións Públicas.

Vigo, 2 de decembro de 2019

O reitor

P.D. (R.R. do 1 de decembro de 2018, DOG do 7)

O Vicerreitor de Ordenación Académica e Profesorado

Manuel Ramos Cabrer

ANEXO I
Memoria descriptiva

Denominación do título	
-------------------------------	--

Responsable do título (coordinador/a)	
1º apelido	
2º apelido	
Nome	
DNI	
Categoría profesional	

Requisitos para solicitar a mención	
Denominación do máster universitario oficial	
Centro/s onde se imparte o título	
Título conxunto (si/non)	Si <input type="checkbox"/> Non <input type="checkbox"/>
Universidades participantes (indicar universidade coordinadora)	
Natureza do centro universitario	Propio <input type="checkbox"/> Adscrito <input type="checkbox"/>
Data publicación DOG	
Código RUCT	
Rama de coñecemento	
Curso inicio impartición do máster universitario	
Impartición ininterrompida desde o curso 2016/17	Si <input type="checkbox"/> Non <input type="checkbox"/>
Alumnos matriculados	<u>2016/17</u> <u>2017/18</u> <u>2018/19</u> <u>2019/20</u>

ANEXO II
Memoria xustificativa

Documentación acreditativa dos criterios avaliados

a) aspectos xerais do máster (ata 25 puntos)	documentación que achega:
– Taxa de demanda (prazas solicitadas/prazas ofertadas)	
– Entidades públicas e privadas que colaboren directamente co máster	
– Procedemento de selección do alumnado	
– Porcentaxe de alumnado estranxeiro	
– Existencia de titorización e mentorización individuais	

b) profesorado do máster (ata 15 puntos)	documentación que achega:
– Méritos relevantes do profesorado permanente	
– Adecuación do currículo docente e investigador do profesorado cos contidos que imparten no máster	
– Prestixio e recoñecemento do profesorado procedente doutras universidades ou doutros conferenciantes externos	

c) estratexia (ata 20 puntos)	documentación que achega:
– Visión, misión e desenvolvemento futuro do máster	
– Plan de xestión do máster para os vindeiros cinco cursos académicos	
– Escenario de mellora no caso de obter o recoñecemento de mención de máster	

d) plan de estudos (ata 15 puntos)	documentación que achega:
– Porcentaxe de prácticas no plan de estudos vixente	
– Créditos dedicados a prácticas obrigatorias en empresas	
– Emprego de metodoloxías docentes innovadoras	

e) resultados (ata 25 puntos)	documentación que achega:
– Resultados das enquisas de satisfacción do alumnado	
– Seguimento dos egresados no mercado laboral	
– Indicadores externos de recoñecemento do máster (artigos, ránkings, selos de calidade...)	

f) emprendemento (ata 10 puntos)	documentación que achega:
– Existencia ou compromiso de inclusión dun módulo vinculado directamente cunha formación en emprendemento e autoemprego	

Sinatura do responsable do título (coordinador/a)

Lugar e data
 , de de

Dirixido a: Secretario Xeral de Universidades
